

## Dogri (NSD)

14-04-2026

### खबरां

1. बिहार च सम्राट चौधरी होर बीजेपी विधायक दल दे नेता चुने गए।
2. प्रधानमंत्री मोदी होरें दिल्ली-देहरादून आर्थिक गलियारे दा उद्घाटन कीता। उनें उत्तराखंड च आर्थिक विकास आस्तै पूरे साल सैलसफे दे विस्तार पर जोर पाया।
3. पच्छिम बंगाल च विधानसभा चुनाएं आस्तै प्रचार पूरे जोरें पर, बक्ख-बक्ख पार्टीएं दे वरिष्ठ नेता वोटरें गी रिझाने आस्तै जनबैठकां ते रैलियां करारदे न।
4. प्रधानमंत्री मोदी होरें मेरा बूथ सबसे मजबूत संवाद तैहत पच्छिम बंगाल दे पार्टी कार्जकर्ताएं कन्नै कीती मलाटी।
5. राष्ट्रपति द्रौपदी मुर्मू ते दुए राष्ट्री नेताएं डॉ. बी.आर अम्बेडकर हुंदी जयंती पर उनेंगी श्रद्धांजलि भेंट कीती।
6. आई.पी.एल 2026 च अज्ज संज्ञा चेन्नई सुपर किंग्स दा मुकाबला कोलकाता नाइट राइडर्स कन्नै होग।



### Bihar-New CM

भारती जनता पार्टी दे विधायक सम्राट चौधरी होरें बिहार च पार्टी नेता चुनी लैता गेआ ऐ जेदे कन्नै उंदा राज्य दा अगला मुख्मन्त्री बनना तय ऐ। बीजेपी विधायकें दी पटना च होई दी बैठक मगरा एहू फैसला लैता गेआ। केंद्री मंत्री शिवराज सिंह चौहान जेडे केंद्री निगरान

नियुक्त कीते गेदे हे, होरें आखेआ जे चौधरी होर सर्व सम्मत्ति कन्नै चनोई गए ना। तोआई, सम्राट चौधरी हुंदा नां एनडीए विधायकें दी संयुक्त बैठक च नामांकित कीता गेआ हा। मगरा चौधरी होर सरकार बनाने दा दावा पेश करने आस्तै लोकभवन जांगन। नितिश कुमार हुंदे इस्तीफे ते अपने मंत्रिमंडल गी भंग करने मगरा एह हलचल दिक्खने गी लब्बी।

<><><><><><>

### PM-Uttrakhand

प्रधानमंत्री नरेंद्र मोदी होरें उत्तराखंड च पूरे बरे दरान सैलसफा दे प्रचार दी महत्वता पर लो पाई। उनें स्याले च सैलसफा दी मशहूर थाहर दे तौर पर बाहे, स्याले आली खेड्डें, इत्थे आइए ब्याह-शादिएं दे आयोजन जनेय उपलब्धिएं गी उजागर कीता। उनें लोके गी अपील कीती जे देवभूमि च साफ-सफाई दा ध्यान रक्खन। देहरादून च दिल्ली-देहरादून आर्थिक गलियारे दा उद्घाटन समारोह च बोलदे होई मोदी होरें आखेआ जे राज्य दी अर्थ बवस्था आस्तै 12 म्हीने सैलसफा दा विस्तार जरूरी ऐ।

<><><><><><>

### Shah-Women's Bill

केंद्री गृह मंत्री होरें अज्ज आखेआ जे महिला आरक्षण कनून समें दी जरूरत ऐ। इक सोशल मीडिया पोस्ट च प्रधानमंत्री नरेंद्र मोदी हुंदे पत्र गी सांझा करदे होई शाह होरें आखेआ जे एह नारी शक्ति दा बकाया हक ऐ जिसी शक्ति नै नीति निर्माण ते राष्ट्र दे सशक्तिकरण च अहम भूमिका निभाई ऐ। उनें जोड़ेआ जे सरकार नै इस कनून गी लेआने ते लागू करने दा फैसला लैता ऐ।

<><><><><><>

## BJP-Prez. Nari Shakti

बीजपे प्रधान नितिन गडकरी होरें आखेआ जे नारी शक्ति बंदन अधिनियम देश दे प्रजातंत्र गी मजबूत करने बक्खी इक निर्णायक कदम ऐ। महिलाएं गी प्रधानमंत्री नरेंद्र मोदी आसेआ लिखी दी चिट्ठी गी सांझा करदे होई। नबीन होरें आखेआ इक सच्चे समावेशी लोकतंत्र उसलै गै हासल होई सकदा ऐ जिसलै राष्ट्र दे भविक्ख गी रूप रेखा देने च महिलाएं दी बराबर दी भागीदारी ही। उनें आखेआ जे प्रधानमंत्री नरेंद्र मोदी हुंदे नेतृत्व च सरकार इस अहम बदलाव गी आहनने आस्तै पूरी चाल्ली बचने बज्जी दी ऐ। उनें सारें गी अगगे आइये इस ऐतिहासिक बदलाव च सहयोग करने दी अपील कीती।



## Baisakhi

राश्ट्रपति द्रोपदी मुर्मू, उपराश्ट्रपति सी.पी राधाकृष्णन ते प्रधानमंत्री नरेंद्र मोदी होरें भारत ते भारत दे बाहर रवा करदे बसनीकें गी बैसाखी, विशु, शिव, बोहाग, बिहु, पोयला, बोइशाख, मेशाड़ी, वैशाखड़ीते पुथांडु दी बधाई दित्ती ऐ। राश्ट्रपति होरें आखेआ जे इनें त्यौहारें राएं लोक धरती मां ते अन्नदाता करसानें दा आभार प्रगट करदे न। उनें कामना कीती जे त्यौहार सारे देशवासिं दी जिंदगी च खुशहाली ते सुख लेइये आए। प्रधानमंत्री होर अज्ज उपराश्ट्रपति सी.पी राधाकृष्णन हुंदे कन्नै उपराश्ट्रपति भवन च मिले ते तमिलनाडू च नमें बरे पुथुन्दु ते बैसाखी दी शुभकामनां दित्तियां।



## Amit

पच्छम बंगाल विधानसभा चुनाएं लेई प्रचार जोरें पर ऐ। वरिष्ठ बीजेपी लीडर अमित शाह होर अज्ज बक्ख-बक्ख प्रचार कार्जक्रमें च हिस्सा लैरदे ना। ओहू उत्तर दीनाजपुर दे कालीगंज च रोड शो करंगन ते दक्खन दिनाजपुर जिले दे गंगाराम पुर च बक्ख-बक्ख जनसभाएं गी संबोधित करंगन। एहदे मगरा उनें मानदा दे मानिक चक ते गजोल च रैलियां कीतियां तां जे बीजेपी दे मेदवारें लेई समर्थन जताई सकन। तृणमूल कांग्रेस दी अध्यक्ष ममता बनर्जी होरें बी अज्ज राज्य दे बक्ख-बक्ख हिस्सें च चुनावी रैलियें दा नेतृत्व कीता।



## WB-Mamta

तृणमूल कांग्रेस प्रमुख ते पच्छम बंगाल दी मुखमंत्री ममता बनर्जी होरें अज्ज चुनां आयोग पर आरोप लाया जे राज्य च एसआईआर तैहत मतदाताएं दे नां हटाई दित्ते गए ना। पच्छम बंगाल दे जगतबलवपुर, हावड़ा च इक जन रैली गी संबोधित करदे होई उनें आखेआ जे बीजेपी नै चुनां आयोग दा इस्तेमाल करिए पच्छम बंगाल च योग्य मतदाताएं दे नां हटाई दित्ते ना। उनें लोकें गी तृणमूल कांग्रेस गी वोट देने आस्तै आखेआ।



## Modi-WB Workers

वष्टि बीजेपी नेता ते प्रधानमंत्री नरेंद्र मोदी होरें अज्ज मेरा बूथ सबसे मजबूत संवाद तैहत नमो ऐप राएं पच्छम बंगाल दे पार्टी कार्जकर्ताएं कन्नै मलाटी कीती। इस दरान मोदी होरें आखेआ जे बपीजेपी दे घोशण पत्र दी राज्य दे लोकें आसेआ सराहना कीती जारदी ऐ। मोदी होरें आखेआ जे अद्भुत जे पार्टी कार्जकर्ताएं च उर्जा, जज्बा दस्सेआ जा'रदा ऐ। उनें टीएमसी सरकार दे कथित कुप्रशासन बारै लोकें गी जागरूक करने आस्तै पार्टी कार्जकर्ताएं दी प्रशंसा

कीती। उनें जोडेआ जे समाज दे हर तबके दे लोक बीजेपी दे हर कार्यक्रम च पूरे जोश कन्नै शामिल होआरदा ऐ।

<><><><><><>

### Scindia-Post MoU

ते प्रधानमंत्री हुंदे संग्रहालय, पुस्तकालय विभाग नै भारती प्रजातांत्रिक ते राश्ट्री यात्रा गी साम्भने ते पेश करने आस्तै इक सहमति पत्र पर हस्ताक्षर कीते। इस सहमति पत्र पर अज्ज संग्रहालयें दे स्थापना दिवस दे मौके नमीं दिल्ली च हस्ताक्षर कीते गए। कट्टु गी संबोधित करदे होई ज्योतिरादित्य सिंधिया होरें आखेआ जे इक खास पोस्टकार्ड जारी कीता। एह पोस्टकार्ड संविधान, डॉ. बी आर अम्बेडकर ते प्रधानमंत्री हुंदे संग्रहालय पर आधारित ऐ। उनें दस्सेआ जे डाक विभाग संग्रहालय च स्थाई काउंटर खोलग। उनें जोडेआ जे डाक विभाग ते संग्रहालय कट्टे रलिए पूरे देश च नुमाइशां लांगन, पेशकशां पेश करंगन। देश दी जात्तरा च भारती डाक ते योगदान पर लो पांदे होई मंत्री होरें आखेआ डाक विभाग नै राश्ट्र दी प्रजातांत्रिक यात्रा च 75 बरे शा मते समें आस्तै अहम भूमिका निभाई ऐ ते आने आले बरें च बी निभांदा रौहग।

<><><><><><>

### Israel-Lebnan Talks

अमरीका च इजराइल ते लेबनान दे राजदूत अज्ज युद्ध विराम गी पक्का करने दे मकसद कन्नै गल्लबात आस्तै वाशिंगटन च मिला रदे ना। इस बैठक च अमरीका दे राज्य सचिव मारको रूबियो बी हिस्सा लैंगन। इजराइली राजदूत Yechiel Leiter अपने हमरूतबा लेबनान दे राजदूत Nada Hamadesh Maowad कन्नै मलाटी करंगन। लेबनान दे विदेश मंत्री

योसेफ रज्जी होरें आखेआ ऐ जे इस गल्लबात कन्नै युद्ध विराम ते तफसीली शांति समझौते बक्खी कम्म होना लोड़चदा।

<><><><><><>

### National Highway fee

सरकार नै राश्ट्री जरनैली शिड़कें दी फीस सरबंधी चौथे संशोधन कनून 2026 गी अधिसूचित कीता ऐ तां जे इनेंगी मजबूती कन्नै लागू कीता जा ते राश्ट्री जरनैली शिड़कें पर तय कोला मता भार ढोने आहली गड्डिं आस्तै फीस गी पक्के तरीके कन्नै किट्टा कीता जाई सकै। शिड़क परिवहन ते जरनैली शिड़कें सरबंधी मंत्रालय नै आखेआ ऐ जे संशोधनें दा मकसद तय भार ढोने दी सीमा बारै अवगत कराना ते शिड़क सुरक्षा पक्का करदा ऐ। कल्लै कोला संशोधित कनून लागू होई जांगन। नमें कनूने तहत अगर कोई गड्डी तय सीमा कोला मता भार ढोंदा पाया जंदा ऐ, बाद्दू भारत दे स्हाबै उसी ओवरलोड फीस देनी पोग।

<><><><><><>

### Ambedkar-Jayanti

अज्ज पूरा राश्ट्र भारती संविधान दे रचियता डॉ. बी.आर अम्बेडकर होरें गी उंदी 136मीं जयंती पर चेत्ता करा करदा ऐ। प्रधानमंत्री नरेन्द्र मोदी होरें डाक्टर अम्बेडकर होरें गी उन्दी जयंति पर चेता कीता ऐ। इक सोशल मीडिया पोस्ट च श्री मोदी होरें आखेआ जे देश दे निर्माण लेई श्री अम्बेडकर हुंदे प्रयास बडे प्रेरणादायक न। उ'नें आखेआ जे उन्दा जीवन ते उंदा कम्म न्यांप्रिय ते तरक्की पसंद समाज दे निर्माण लेई नमीं पीड़ियें गी प्रेरत करदा रौहग। उ'नें अग्गे आखेआ जे उन्दा व्यक्तत्व ते उन्दा कम्म राश्ट्र निर्माण लेई म्हेशां प्रेरणादायक रौहग। राश्ट्रपति द्रोपदी मुरमू होरें बी.आर. अम्बेडकर हुंदी जयंति दे मौके पर देशवासियें गी ममारखबाद दिती ऐ। अपने इक सनेह च राश्ट्रपति होरें डाक्टर अम्बेडकर होरें गी चेता करदे होई उनें'गी न्यायधीश- आर्थिक मामले दे विद्वान- बुद्धिजीवी दस्सेया ते इक बरोबरी

आले समाज दे ओ हक्के च हे। उ'नें आखेया जे उ'नें अपना जीवन समाज दे दबोए-लतड़ोए दे लोकें दे उत्थान लेई कम्म कीता। राष्ट्रपति मुरमू होरें एब्बी आखेया जे उ'नें समाज च फर्को-फर्की गी दूर करने लेई कम्म कीता- सगुआ मुल्खा दे लोकतांत्रिक मुल्यें गी बी मजबूत करने बक्खी कम्म कीता।



### IPL

आई.पी.एल क्रिकेट च चेन्नई सुपर किंग्स दा मुकाबला अज्ज संझा साड्डे 7 बजे कोलकाता नाईट राइडर्स कन्नै होग। कल हैदराबाद च सनराइजर्स हैदराबाद नै राजस्थान रायल्स गी 57 रन कन्नै हराई दित्ता हा। पैहले बल्लेबाजी करदे होई सनराइजर्स हैदराबाद नै 20 ओवरें च 6 विकटां गोआइयै 216 रन बनाए जदके राजस्थान रायल्स 19 ओवरें च छड़ी 159 गै बनाइये आलआउट होई गई।



### CG-Explosion

छत्तीसगढ़ च साक्ति जिले दे उर्जा संयंत्र च होए दे इक धमाके च 4 कर्मचारिएं दी मौत होई गई ते 15 घायल होई गए ना। पुलस नै दस्सेआ जे किश कर्मचारिएं दे उस थाहर पर फसे दे होने दी शंका ऐ। शुरूआती जानकारी मताबक सिंधीतराई ग्रां च अज्ज दपैहरी वेदांता लिमिटेड पावर प्लांट च बायलर ट्यूब च धमाका होआ। जानकारी थ्होने मगरा मकामी प्रशासन ते पुलस दी टीमां मौके पर पुज्जियां ते बचाव कम्म शुरू कीता। घायलें गी कोल दे अस्पताल भर्ती करोआया गेआ।



## MEA

भारत नै अफगानिस्तान च तपेदिक दे खिलाफ बच्चें दे टीकाकरण कार्यक्रम गी बढावा देने लेई 13 टन बी.सी.जी वैक्सीन ते होर दुई सेहत सरबंधी मदाद भेजी। विदेश मंत्रालय दे प्रवक्ता रणधीर जयसवाल होरें सोशल मीडिया पोस्ट च आखेआ जे एहू खेप अफगानिस्तान दे स्वास्थ्य मंत्रालय गी सौंपी गई ऐ।



## ED

प्रवर्तन निदेशालय नै Indian PAC Consulting private Limited दे निदेशक विनेश चंदेल गी हवालादे इक मामले च गिरफ्तार कीता ऐ। ई.डी नै दस्सेआ जे दिल्ली पुलिस आसेआ दर्ज एफआईआर दे आधार पर शुरू कीती गेदी जांच च I-PAC आसेआ माली अनियमितताएं ते पैसैं दे लैन देन दे केई मामले सामने आए। गिरफ्तारी मगरा चंदेल गी पटियाला हाउस कोर्ट च पेश कीता गेआ हा। अगेत्री जांच जारी ऐ।

